

47
















2  
2

LECTORI BENEVŌLO  
FACULTATIS MEDICÆ

In  
*ACADEMIA LIPSIENSI*

p. t.

**PROCANCELLARIUS**

**D. JOHANNES BOHN,**

Therap. Prof. Pub,

S. & O.







J. N. J.



Edico juniore seu Practico tyroni præfentes dum lito chartulas, harum argumentum non ineptum futurum confido, si de Arcanis seu Singularibus Medicis quædam in Hujus & Lectoris gratiam edifferuero, meamque de genio & autoritate horum exposuero sententiam. Non quod cuius Medicastro, Arcana crepanti subscribam & quasvis gesticulatorum nugas admiror commendemve: (alienum siquidem quem admorum à Secretorum jactatione me norunt, qui me norunt, ita nec ab aliorum Singularibus mihi facile imponi, patior.) Sed quo nihilominus in quantum eorum immunitas valeat, illis innotescat, qui advertente Hippocrate de arte 1. 1. Verborum inbonestorum arte ad ea, quæ ab aliis inventa sunt, confundenda prompti sunt, nihil quidem corrigendo, eorum vero, qui aliquid sciunt, inventa apud ignavos calumniando; i. e. quibus non secundum rectam rationem, sed secundum malevolum suum ingenium, alios judicare solenne est. His quippe imperiti oribus vel nomen Singularis, Secreti &c. eousque exosum est, ut hujus fidem; mox proterve in dubium vocent, nisi callidæ eorum libidini auscultare malint ejus possessores, ut aliorum examini sua submittant arcana; uno verbo hæc propalando indole sua privent, seu arcana sua non arcana reddant: cum tamen, monente Galeno seu quocunqve demum Li  
bri



bri *Secretorum*, huic attributi, Scriptore, Secreta ejus-  
modi *unicuiq; hominum propalare, non sit necesse.*  
Eqvidem me haud fugit, forsan in Diætæ circa ægros  
moderatione, item operationum Chirurgicarum  
administratione, cautelas atq; enchirifes, ab ordi-  
naria seu communi agendi ratione qvam diversas,  
hinc uni alterive Medicorum ac Chirurgorum pecu-  
liares, Singularium nomen pariter demereri, v. g.  
dum variolosis, morbillosis similibusqve efflorescenti-  
is cutaneis laborantibus atmosphæram fervidio-  
rem & â stragulis seu integumentis oppressorem  
dissuadet, aëremqve liberiolem & temperatiorlem  
commendat, *Sydenham*, Lithotomiam, Artuum  
detruncationem &c. peculiaribus instrumentis & mo-  
do singulari administrant peritiores Operatorum.  
De qualibus tamen, qvia, quantum ego quidem  
memini, â nemine hactenus disceptatum fuit, nec  
peculia ejusmodi ullus unquam suis inventoribus fa-  
cile invidit, instrumentorum Pharmaceuticorum po-  
tius Singularitatem in præsentiarum declarare ac pro-  
pugnare annitar: contra illos potissimum, qvi Singu-  
laria ejusmodi Medico cum Pharmacopola commu-  
nia & soli huic ut suam concredat ille tamam atque  
conscientiam cum ægrorum sibi concredita salute,  
volunt. Atqve hæc, qvam meditor, Arcanorum seu  
Singularium vindicatio qvo penes prudentiores &  
æqviores judices plus assensus reperiat, termino ho-  
rum complector medicamina, qvæ in affectibus cor-  
poris præter naturalibus tollendis vim singularem  
præstant, soli administranti, aut paucis, innotescen-  
tem: ut Arcani nomine veniat, non, qvod aut cujus  
virtus, omnino in occulto est, tali enim nullus un-  
quam sanaretur æger, sed qvod plerosq; saltem latet  
):( 2 seu



seu cujus efficacia plurimos fugit, i. e. uti seu alteri tantum singulare observatur remedium. Qvalis quidem singularitas minime tantum, ut falso supponitur, vim morbum exturbandi singularem respicit, sed applicationem seu utendi modum & agendi rationem quoque. Scilicet dum per peritiam singularem primo medicamento vulgari, ratione molis, odoris, saporisve naufragando, aliud substituitur magis gratum & amicum, illud concentratur, corrigitur, obvelatur, hinc palato suavius redditur: cujus sane generis deliniendi, incrustandi, nedum decipiendi, modi vel soli multum fidei atque auctoritatis Medico conciliant; & fructum atque existimationem singularem singularis peritiæ non minus meretur, qui *jucunde*, quam, qui *cito ac tuto*, suis medetur. Si imprimis secundo ejusmodi medicamina sine notabili molestia, qualem ab evacuantium potissimum activitate experiuntur ægri, agant, sine torminibus, sine hypercatharfeos metu; sine virium prostratione &c. adeoque etiam hac ratione jucundam medelam præsentent: quorum selectus seu attemperatio admodum salutaris ac proficua deprehenditur in ejusmodi casibus, ubi affectus primarius aut combinatus à torminibus v. g. atrocior redditur, aut hypercatharsis in præceps vite periculum conjicit, v. g. in colica, iliaca passione, febribus acutis, item in gravidis &c. sc. dum Mercurius dulcis, Helleborus niger, Aloë lota & refinosa sua substantia exuta, ac Aurum fulminans commodius & blandius præ Colocynthide alvum subducunt. Adeo, ut, cui per industriam aut bonam fortunam discernere, præparare ac corrigere datur pharmaca, quæ communiter sine discrimine propinantur, non sine insigni infirmorum conturbatione, gloriari ad invidiam usque queat de Secretis.

Sicut  
tertio,



tertio, dum remediis quibusdam præ trivialibus peculiaris assignatur efficacia, ab his minime postulandum, ut rationem agendi sibi omnimode propriam ac nullis aliis Medicamentis communem, habeant, i. e. non per modum catharticos, sudoris, sub specie cephalici, stomachici, anodynæ &c. vim suam exerant, à sexcentis Medicorum millibus observatorum & approbatorum; quo non neminem Singularium insectatores acerrimum olim inclinasse recordamur. Sed prærogativam Singularem sibi quoque vendicant, quæ digerendo, incidendo, resolvendo, laxando, condensando, temperando, absorbendo, evacuando per alvum, gulam, vias urinarias &c. tussim, dolores, vigilias, hæmorrhagias &c. mitigando ac sistendo, operantur. Nec necessarium est, talia occulta tantum quadam qualitate morbis mederi, hosque per quoddam quasi *Jo. Sævi* depellere: modo virtutem hanc medicamentosam præstent promptius seu efficacius, tutius & sine notabili molestia. Quatenus usualium quoque unum altero, quoad circumstantias has, præpollere, partim ex illis, quæ circa catharticos disparitatem modo innui, partim exin evidens fiet, quod Taraxacum v.g. & absinthium in febribus intermittentibus discutendis, sine dubio superat Cortex Peruvianus, in specie in quartana, quam ante hujus exotici innotescentiam recte Medicorum scandalum dicebant; Mercurius dulcis cum Antimoniali quodam temperatus efficaciter & sine torminibus purgat, in hæmorrhagiis etiam desperatis compescendis Bolum Armenum, Vitriolum, Alumen similiaque potentiora longe antecellit Spiritus Vini rectificatissimus, cum Oleo Terebinthinæ æthereo, paradoxa forsân in ejusmodi casu dogmatico vulgari visa remedia, quod toti ignei,  
( 3 ) pene-



penetrantes maxime, & omnis condensatoriæ seu stypticæ virtutis expertes liqvores compareant. Multo minus Arcani nomen Medicamentis illis tantum discernendum, quæ morbos insanabiles, seu cæteris remediis superiores, sanant: modo sanabilibus promptiorem præstent medelam, in casibus plus minus difficilioribus, v. g. Cortex Ganaperidis febribus intermittentibus, Lapis Lyncis inter absorbentia antifebrilia præ Coralliis, Ebore &c. appropriatus magis; adeoque, si non virtute, gradu tamen virtutis, reliqua antecellant, seu peculiare quid præ his possideant, quod, in quantum plures alios fugit, uni alterive singulare dici poterit, ac debet. Adeo quidem, ut *Primerosius*, irrisor alias Secretorum Medicorum strenuus *1. de vulg. error. cap. 12.* nec illum, qui vulgare remedium, omnibus cognitum, tanquam sibi proprium vendicat, mendacii argui posse, tradat. Cujus etiam generis sunt, quæ in variis affectibus suis se commendant dotibus, polychresta ideo dicta, v. g. Angelica, quæ ratione texturæ suæ singularis seu virtutis aromaticæ spiritus non tantum mirum in modum recreat, hinc pesti quoque medetur, sed viscidos humores incidendo asthmaticis, tussientibus, colicis, febricitantibus, hysteriis &c. quoque prospicit. Item Rosmarinum, quod *Panarolus pentec. 3. obs. 25* in mensibus suppressis ac depravatis, viscerum obstructionibus, capitis imbecillitate, catarrhis, ventriculi dolore & cruditatibus, uno verbo, in multis morbis inveteratis & tantum non desperatis, commendat. Præcellentiam autem hanc cujuscunque generis concreta medicamentosa sibi vendicant præprimis modo per texturam suam naturalem, modo à Pharmacia adscititiam seu artificialem. Prioris generis Arcana non illa tantum ajo,  
de



de quibus eorumve materia & viribus hactenus altum  
penes plerosque silentium, v. g. ante sexaginta circi-  
ter annos Corticem Peruvianum febrifugum, nunc  
notissimum: Herbam Paragrays, à Provincia Indiæ  
Occidentalis ipsi natali appellatam, emeticum effica-  
cissimum, sine stomachi tamen notabili everfione, in  
Officinas nostras & usum nondum receptum: Corti-  
cem Eleuterium; pro Cortice Peruviano imperitiori-  
bus venditatum, à *Stiffero* autem laborat. *Chym. Spe-*  
*cim.* 2. cap. 9. contra Arthritidem, Calculum Scorbu-  
tum &c. maximopere deprædicatum: Radicem Chin-  
Sen, Gensing seu Nisi, tanquam singulare Aphrodi-  
siacum annotantibus *Astor. Hafn.* vol. 5. p. 26. *Miscel-*  
*lan. Nat. Curios. Decur.* 2. ann. 4. obs. 2. *Ann.* 5. obs. 39.  
& *Ann.* 8. obs. 189: Radicem Ipecacuanham & Herbam  
Cua-Apiam, Specifica antidysenterica, à *Gvillhelm*  
*Pifone hist. Natur. & Medicin. Brasfil* olim descripta  
quemadmodum de priore pariter differit *Pomet des*  
*Drogues & Leibnizius in pecul. libello*: Lapidem  
Manati anti-nephriticum, olim quoque ignotum.  
Quibus hodie addere liceret v. g. Fabam illam; *S.* "  
Ignatii dictam, à Portugallis primum ex India Orien-  
tali in Europam, nunc in Belgiam; translata, ac  
contra venena, Epilepsiam, Dystociam &c. mire  
commendatam, Nostratibus adhuc minus perspe-  
ctam, cujus unum alterumve exemplare nuperrime  
videre mihi contigit. Qualia si in manus Medici in-  
geniosioris & industrii inciderint, quemadmodum  
prolixius referentè *Domino Leibnizio* l. a. radix Ipe-  
cacuanha in Medici cujusdam Parisiensis insignis,  
nonne hunc singulare antidysentericum alexiphar-  
macum &c. possidere dicendum? perinde ac Parisiensi  
huic jussu Regio non tantum conspicua pecuniæ  
summa pro invento hoc solvebatur, sed privilegium  
qvo-



quoque, ut solus certo pretio distribueret Medicamen  
hoc antidysentericum successibus multis comproba-  
tum, indulgebatur. At Singularium quoque no-  
men merebuntur ejusmodi naturalia exotica, de quo-  
rum virtute si non omnino eadem, pari nihilominus,  
olim scriptum legimus, negliguntur interim eadem  
in communi praxi: Dum v. g. dictam radicem Ame-  
ricanam antidysentericam ejusque vires *Piso* haud  
ignoravit, & satis graphice descripsit, quæ tamen  
in oblivionem penes plerosque venerunt; cum etiam  
medicamentis sua, pro captu hominum videantur  
obtingere fata, ut, monente *Celeberrimo Leibnizio*,  
hinc sæpe non minus restauratori atque propalatori,  
quam inventori primo, debeamus. Quibus accen-  
sere aliquando fas est nostratia quoque & patria, v. g.  
femen *Sophiæ Chirurgorum*, aliàs *Abinthii Seriphii*  
s. *Germanorum*, decantatum æque contra lumbrico-  
cos, ac ulcera putrida, vulnerarium quoque inter-  
num ac externum insigne; quod solus forsitan *Forestus*  
22. *obs. 37. in schol.* contra dysenteriam laudari per-  
hibet, pauci alii Practicorum cum egregio suc-  
cessu in hoc affectu, sicut in calculo quoque, propi-  
nant. Nec in arcani possessione turbandi, qui in con-  
cretis naturalibus, quin etiam artificialibus, in vulgus  
equidem vel in se, vel ratione aliarum quarundam vir-  
tutum, notoriis seu officinalibus, peculiarem adver-  
tunt efficaciam, & hujus intuitu illa suis Clinicis com-  
mendant. Strobilos Pini seu Abietis rubræ teneriores  
inter officinalia referunt, ac nonnullas eorum virtu-  
tes recensent Botanici & *Materiæ Medicæ* Scriptores  
plerique: vim autem eorum antiscorbuticam pauci  
annotarunt. Anagallidis, famosi pariter officinalis  
vires hinc inde legimus & experimur: si non solus,  
certè primus, quantum ex eo paratus fons in ulce-  
rum







quod facilius sit, inventa corrigere, quam nova invenire, cum præparationis correctio omnibus in universoni Medicis communis esse soleat, qui juxta illud, *quot capita, tot sensus*, officinalibus modo aliquid addant, modo demant &c. In specie vero meris compositionis ex ordinaria simplicium materia Secretorum immunitatem atque prerogativam denegat *Primerosius de vulgi errorib. l. 1. c. 12.* quasi quivis doctus ac peritus Medicus similia adlubitum & ex re presenti componere queat. Ast, quemadmodum aliquando simplicibus per compositionem incongruam conspicuam satis labem imprimi, infinita testantur, v. g. in Mercurii sublimati confectioe seu Mercurii currentis & Salium, neutrorum venenosorum, coagulatione, corpori nostro quam exitiosissima; item Petroselinum, quod per se tutum atque efficax observatur ophthalmicum, aliis affociatum dolorem ac inflammationem oculorum intendit: Sic compositionem diversorum non raro medendis morbis necessariam atque proficuum quotidie experimur, v. g. si idem Mercurius corrosivus per novum Mercurii vivi additamentum edulcoretur, si per admixtionem Mercurii hujus dulcis Mercurius vitæ emeticus valde blandum reddatur per inferiora purgans &c. Adeoq; quamvis Primerosio aliisque in hoc lubens subscribam, ut non quamvis simplicium compilationem & congestam farraginem admirem; quin tamen quasdam compositiones profundioris peritiæ & singularis efficacitæ, quamdiu in paucorum manibus sunt, singularium titulo digna credam, persuaderi non possum, Miscellam v. g. purgantium cum opiatis in affectibus primarum viarum dolorosis aut cum evacuationibus præternaturalibus combinatis, v. g. dum à *Riverio* talis in vomitu, à *Foresto* in cardialgia, à *Rondeletio, Riverio & Deodaro* in Colica, præscribitur; prout Practici pariter cujusdam Amstelodamensis Spectatissimi recordeo, qui idem cum euphoria suorum præstabat, imo vespera catharsin præcedanea sola opiata propinabat, quo contra irritaciones spasmodicas, v. g. in hypochondriacis, ventriculû ac intestina præmuniret. Qualem encherisim si ita moderetur Medicus, ut non omnibus innotescat, certo sicut ægris salutaris, ita illi proficua, erit, ac famam singularè conciliabit. Et ne in multarum ejusmodi compositionum, hæctenû singularibus adscriptorû, enumeratione justo prolixior evadam, Pilularû Francofurtensium, Glasianarum, &c. Liqvoris Cornu Cervi succinati præparationes olim, ut secreta, laudem merebantur, hisque inhiabant magno conatu Practicorum solertiorum quilibet: cur non similes compositiones admi-

admi-



admiremur præ aliis? Quatenus inventa emendare simplicibus ac  
 compositis aliquid addere, demere & congruè sibi adaptare quoq;  
 artis opus est, & Medico opinionem conciliat: centum autem simpli-  
 cium infusa confusio irrisione digna est. Imo huc referre licebit sim-  
 plicium quoque tempestivam ac congruam collectionem seu sele-  
 ctum: secundum cujus folius circumstantiæ observationem ac negle-  
 ctum virtutes medicamentosas variare infinitis exemplis compro-  
 bare possem, unicui loco plurimum sit. Betulae succum vernum, promiscue  
 contra renum & vesicæ calculum it, Hydropem, commendant pra-  
 ctici, alii non pari successu eum hauriunt ægri: singulare vero per suc-  
 cum hunc iis præstabit auxilium, qui, monente *Helmontio catarrhi  
 deliram.* & *Boyle de util. phil. experim. part. 2. p. 102.* non ex caudice  
 prope terram seu trunco (ut vulgo jubent) sed ex ramis potius, arbo-  
 ris dissectis, liquorem hunc colligit, acidulum & singularis efficaciam  
 in dictis affectibus, dum qui ex trunco destillat, insipidus & minus  
 efficax deprehenditur. De artificiosis magis præparationibus & ha-  
 rum productis minus est dubium: vel quatenus encheirisis ipsa latet,  
 vel quantum ejus latitat virtus medicamentosa: quale utrumque il-  
 lis Arcani famam, possessori suo decus & jus singulare præstat, v. g.  
*Beato Silvio* Salia volatilis oleosa, Essentia ad Partum, Tinctura  
 bezoardica &c. D. Micchaëli, similiaq; infinita suis Artificis cum Se-  
 cretorum aut singularium privilegio, de jure relinquenda. Præpo-  
 sere vero agunt, qui eadem nugas, remedia empirica ajunt eorumq;  
 Inventores arrogantiam arguunt: nec apparet, quæ lege, quæve obser-  
 vantia adigi eo possit Practicus, ut quæ multo rerum usu circa corre-  
 ctionem & præparationem, etiam officinalium ac trivialium, v. g. si  
 opii Tincturam cum peculiari menstruo extractam & tutioris ope-  
 rationis, addiderit ac administret, aliis manifestet ac propalet,  
 ut religiose satis ajunt, in ægrotantis & Publici salutem; cum Chi-  
 rurgis quoque, Opilionibus, Mulomedicis & quibusvis agyrtis ac  
 circumforaneis sua, quæ non, nisi temerarie satis, crepant ut pluri-  
 mum, relinquuntur evporista neque Medici magis, ac hi, aut consci-  
 entia, aut officii, ratione ad illa deregenda teneantur, nisi peritos præ-  
 imperitis, ut suo suorumque salutem ac commodis renuncient, obliga-  
 ti, quis injuste, si non inepte, velit. Sed nolo Arcanorum ventilatio-  
 ne prolixiore derogare desiderio scrutatoris Arcanorum Naturæ  
 & Artis seduli, hoc est, morari honores singulares, quibus per singu-  
 larem industriam se dignum reddidit *Nobilissimus atque Clarissimus*

Dn.



Dn. Abraham Hoffmann / Lauba-  
Lufatus, Medic. Baccalaureus,

Qvem in Schola Patria ad Superiorem egregie præparatum no-  
stra Academia ante quadriennium excepit & eousq; hæctenus fo-  
vit, ut ex Professorum atqve Doctorum hujus ore atqve institutio-  
ne, publica non minus ac privata, fundamenta artis hujusqve pe-  
ritiam quam felicissime hausserit, & hujus suæ Doctrinæ edecuma-  
tæ specimina diversa, imprimis per Examina bina & Prælectio-  
nem cursoriam, Collegio Nostro exhibuerit. Quibus peractis his  
diebus Censuræ Ejusdem privatæ subjecit Dissertationem, de  
*Cholera* conscriptam, ut post eam quoqve experiretur publicam &  
conatum suorum perquam honestorum, capessendi *Licentiam*,  
ad Gradum Doctoris in Medicina, suo tempore ascendendi, pub-  
licum Eruditorum ac Bonorum omnium applausum. Cujus ambi-  
tioni modestæ eo, quo decet, affectu annuere æquum duximus,  
hincqve *crastinum diem* Disputationi ejus Inaugurali pariter ac  
Panegyri solenniori, Gradum, quem anhelat, secundum morem  
penes nos receptum conferendi, destinavimus, & quidem me in-  
terprete, cui ad devotam ac submissam Facultatis Gratiouissima  
nominationem ac commendationem à *Celsissimo ac Potentissimo*  
*DOMINO DOMINO FRIDERICO AUGUSTO, Rege Poloniae,*  
*Magno Duce Lithuanie, Russie, Prussie &c. Duce Saxonie, Julie,*  
*Clivie, Montium, Angrie & Westphalie, S. Rom. Imperii Archi-*  
*Marschallo atque Electore, Domino ac Nutritio Nostro Clementis-*  
*simo, Nomine Celsissimi Principis ac Domini DOMINI MAU-*  
*RITII WILHELMI, Ducis Saxonie, Julie, Clivie, Montium,*  
*Angrie & Westphalie &c. Administratoris Episcopatus Martisbur-*  
*gensis & Academiæ hujus Cancellarii perpetui, Domini ac Nutritii*  
*Nostri itidem Clementissimi, munus Procancellarii pro tempore*  
clementissime demendatum fuit. Cujus Delegationis Illustri-  
ris memor, *Magnificum Academia Rectorem, Comites illustri-*  
*simos, utriusque Reipublicæ Proceres, nostratis Cives & omnes,*  
qui Ordini Nostro ac Studiis Nobilissimi Domini Candidati be-  
ne cupiunt, ea, qua decet, observantia atqve affectu rogo, velint  
splendidam ac honorificam suam præsentiam Actui huic commo-  
dare, ac Nostro de exantlatis laboribus & conferendis honoribus  
affectu annuente gratulari. Redhostimenti loco Facultatis Gra-  
tiosissima, mea & Clarissimi Candidati studia, Officia, Obser-  
vantiam ac quævis gratitudinis fida atque certa signa  
polliceor. P. P. Lipsiæ d. 7. Julii 1698.



01 A 6605


ULB Halle 3  
003 092 054



V3 17









Inches  
Centimetres

Farbkarte #13

B.I.G.



2  
2

BENEVOLO  
TIS MEDICÆ

In  
LIA LIPSIENSI  
p. t.

CELLARIUS  
NES BOHN,

o. Prof, Pub,  
& O.

